





真順寺用

往生要集卷中本

天台省楞嚴院沙門源信撰

第四觀察門者初心觀行不堪深奧如十住毗婆  
 娑云新發意菩薩先念佛色相又諸經中為初心  
 人多說相好功德是故今當修色相觀此分為三  
 一別相觀二惣想觀三雜略觀隨意樂應用之  
 初別相觀者亦有二先觀華座觀經云欲觀彼佛  
 者當起想念於七寶地上作蓮華想令其蓮華一  
 一莖作百寶色有八万四千脉猶如天畫脉有八



往生要集卷中



万四千光了了分明皆令得見華葉小者縱廣二百五十由旬如是華有八万四千葉一々葉間有百億摩尼珠王以爲映飾一々摩尼珠放千光明其光如蓋七寶合成遍布地上釋迦毗楞伽寶以爲其臺此蓮華臺八万金剛甄外迎寶梵摩尼寶妙真珠網以爲交飾於其臺上自然而有四柱寶幢一々寶幢如百千万億須弥山幢上寶縵如夜摩天宮有五百億微妙寶珠以爲映飾一々寶珠有八万四千光一々光作八万四千異種金色一

一金光遍其寶土處處變化各作異相或爲金剛臺或作真珠網或作雜華雲於十方面隨意變現施作佛事是爲華座想如此妙華是本法藏比丘願力所成若欲念彼佛者當先作此華坐想作此想時不得雜觀皆應一々觀之一々葉一々珠一光一々臺一々幢皆令分明如於鏡中自見面像作此觀者名爲正觀若他觀者名爲邪觀已上座相者滅除五万劫生死之罪必定當生極樂世界次正觀相好謂阿彌陀佛坐華臺上相好炳然莊嚴其身一頂上肉髻無



能見者高顯周圓猶如天盖或樂廣觀者次應觀  
彼頂上有大光明具足千色一々色作八万四千  
支一々支中有八万四千化佛々々頂上亦放此  
光々々相次乃至上方無量世界於上方界有化  
菩薩如雲而下圍遶諸佛大集經云恭敬父母師  
僧和上得肉髻相云云  
若於此相生隨喜者除却千  
億劫極重惡業不墮三途  
二頂上八万四千髮  
毛皆上向靡右旋而生永無稀落亦不雜亂紺青  
稠密香潔細軟或樂廣觀者應觀一々毛孔旋生  
五光若申之時修長難量如釋尊髮長從尼狗搏  
陀精舍至父王宮遶城

七無量光普照作紺琉璃色々々中化佛不可稱數  
現此相已還住佛頂右旋宛轉即成鬘文大集經云  
惡事加中眾生故  
得髮毛金精相三於其髮際有五千光間錯分明  
皆上向靡圍遶諸髮遶頂五匝如天畫師所作畫  
法團圓正等細如一糸於其糸間生諸化佛有化  
菩薩以爲眷屬一切色像亦於中見樂廣觀者  
可用此觀四  
耳厚廣長輪埵成就或應廣觀旋生七毛流出五  
光其光千色々々千化佛々々放千光遍照十方無量  
世界此隨好之業因可勤觀佛三昧經云觀此好  
者滅八十億劫生死之罪後世常爲陀羅尼



人鳥眷屬云々下去諸利益五額廣平正形相殊  
皆亦依觀佛三昧經而注妙此妙業因并六面輪圓滿光澤熙怡端正皎潔  
猶如秋月雙眉皎淨似天帝弓其色無比紺琉璃  
光見來求者生歡喜故面輪圓滿觀此相者七眉  
除却億劫生死之罪後身生處面見諸佛間白毫右旋宛轉柔軟如觀羅綿鮮白逾珂雪或  
次應廣觀舒之直長大如白琉璃箇放已右旋如  
頗梨珠丈六佛白毫長丈五右於十方面現無量  
光如万億日不可具見但於光中現諸蓮華上過  
无量塵數世界華々相次團圓正等一々花上一

化佛坐相好莊嚴眷屬圍遶一々化佛復出无量  
光一々光中亦无量化佛是諸世尊行者無數住  
者無數坐者無數臥者無數或說大慈大悲或說  
三十七品或說六波羅蜜或說諸不共法若廣說  
者一切衆生至十地菩薩亦不能知之大集經云  
稱揚其德得此相觀佛經云從无量劫晝夜精進  
身心无懈如救頭燃勤修六度卅七品十力无畏  
大慈大悲諸妙功德得此白豪觀此相者除却八  
九十六億那由他恒河沙微塵數劫生死之罪  
如來眼睫猶若牛王紺青齊勅不相雜乱或次應  
廣觀上下各生有五百毛如優曇華鬘柔軟可愛



樂一々毛端流出一光如頗梨色透頭一匝純生  
微妙諸青蓮華一々華臺有梵天王執青色蓋大集  
經云至心求於无上菩提故得牛王九佛眼青白  
禪相大經云見於怨增生於善心故上下俱眇白者過白寶青者勝青蓮華或次應廣  
觀眼出光明分爲四支遍照十方无量世界於青  
光中有青色化佛於白光中有白色化佛此青白  
化佛復現諸神通大集經云修集慈心愛視衆生  
此相者未來生處眼常明淨眼十鼻修高直其孔  
根无病除却七劫生死之罪不現如鑄金槌如鸚鵡背表裏清淨无諸塵翳出

二光明遍照十方變作種々无量佛事若此隨好  
罪未來生處聞上妙香十一脣色赤好如頻婆菓  
常以戒香爲身瓔珞上下相稱如量嚴麗或次應廣觀團圓光明從佛  
口出猶如百千赤真珠貫入出於鼻白毫髮間如  
是展轉入圓光中此脣隨好十二四十齒齊淨密  
根深白逾珂雪常有光明其光紅白映耀人目大  
云遠離兩舌惡口恚心十三四牙鮮白光潔鋒利  
得四十齒鮮白齊密相如月初出大集經云身口意淨故得四牙白相十  
四世尊舌相薄淨廣長能覆面輪至耳髮際乃至



梵天其色如赤銅或次可廣觀古上五畫猶如印  
文咲時動舌出五色光遠佛七匝還從頂入所有  
神變无量无边大集經云護口四過得廣長古相  
云々規此相者除百億八万四千  
劫罪他世值八十億佛十五舌下兩邊有二寶珠流注甘露  
適舌根上諸天世人十地菩薩无此舌根亦无此  
味大般若若有異說可勘大經  
云云飲食施与故得上味相十六如來咽喉如琉  
璃筒狀如累蓮華所出音聲詞韻和雅无不等聞  
其聲洪震猶如天鼓所發言統均如伽陵頻音任  
運能遍大千世界若作意時无量无边然為利衆

生隨類不増減大約云不説彼短不説正法得梵  
音聲相大集經云於諸衆生常柔  
軟語故十七頸出圓光咽喉上有點相分明一一  
點中出一々光其一々光遠前圓光滿足七匝衆  
畫分明一々畫間有妙蓮華々上有七佛一々化  
佛各有七菩薩以為侍者一々菩薩執如意珠其  
珠金光青黃赤白及摩尼色皆悉具足圍遶諸光  
上下左右各々一尋圍遶佛頸了々如畫无上依  
經云衣  
服飲食車乘卧具諸莊嚴物歡喜施与得身金色圓光一文相十八頸出二光其  
光万色遍照十方一切世界遇此光者成辟支佛



此光照諸辟支佛，頸此相現時行者，遍見十方一切諸辟支佛，擲鉢虛空，作十八變，一々足下皆有文字，其字宣說十二因緣，十九缺骨滿相，光照十方，作肅魄色，遇此光者，發聲聞意，是諸聲聞見此光明，光分為十支，一支十色，十色十光明，光有化佛一々，化佛有四比丘，以為侍者，一々比丘皆說苦空無常無我，已上三種樂廣，二十世尊，肩項圓滿殊妙，法華文句云恒令增長故得此相，二十一如來，腋下悉皆充實，放紅紫光，作諸佛事，利益衆生。无上依經云

利益事修四正勤心无所畏得二兩廓平怒而腋下下滿相

二十二佛，雙臂肘明

直臚圓如象王鼻，平立摩膝，或次應廣觀手掌，十輻理各放百千光，遍照十方，化成金水，金水之中有一妙水，如水精色，餓鬼見除熱，畜生識宿命，狂像見者為師子王，師子見金翅鳥，諸龍亦見金翅鳥王，是諸畜生各見所尊，心生恐怖，合掌恭敬，以恭敬故，命終生天。大集經云救護怖畏得臂肘臚相見他事業佐助故得手摩膝相

二十三諸指圓滿，充密纖長，甚可愛樂，於一々端各生万字，其爪光潔如花赤銅。瑜伽云於諸尊長恭敬禮拜合掌起



立故得指

二十四一々指間猶如雁王咸有鞞網

金色交終文同綺畫勝閻浮金百千万億其色明

達過於眼界張時則見斂指不見大集經云修四攝法攝取眾生

故得此相二十五其手柔軟如觀羅綿勝過一切內外

俱握大集經云父母師長若病若苦若二十六世尊

領臆并身上半威容廣大如師子王瑜伽云於諸有情如法所

作能為上首而作助伴離於我慢无諸擴快故得此相二十七曾有一万字名

實相印放大光明或次應廣觀光中有无量百千

衆花一々花上有无量化佛是諸化佛各有千光

利益衆生乃至遍入十方佛頂時諸佛脚出百千

光一々光說六波羅蜜一々化佛遣一化人端正

微妙狀如弥勒安慰行者見此相光者除二十億劫生死之罪二十

八如來心相如紅蓮華妙紫金光以為間錯如琉

璃筒懸在佛胸不合不開團圓如心万億化佛遊

佛心間又无量塵數化佛在佛心中坐金剛臺放

无量光一々光中亦有无量塵數化佛出廣長舌

放万億光作諸佛事念佛心者除十二億劫生死之罪生々得值无量菩薩云云

應作此觀樂廣觀者二十九世尊身皮皆真金色光潔晃曜



如妙金臺眾寶莊嚴眾所樂見大經云施衣服三

十身光任運照三千界若作意時无量无边然為

憐愍諸有情故攝光常照面各一尋大經云以香

者但發此心見除却眾罪嚴大論云恭敬尊長迎

嚴送侍遠得身直廣相三十二世尊身相縱廣量

等團匝圓滿如足物陷樹大集經云常勸眾生修

若有三眾生四大不調能為療治故得身方圓相

直給施良藥故得身不偻曲相三十三世尊容儀洪滿端

平如滿月有金色光猶如日輪如金剛器中外俱

淨大經云見裸施衣服故得陰藏相大集經云覆

師云佛言若多貪欲色者即想如來陰藏三十五

世尊兩足二手掌中項及雙肩七處充滿大經云

時所珍之物能捨不憚不現三十六世尊雙脇漸

次纖圓如鬚泥耶仙鹿王勝膊鈎環骨盤結之間

出諸金光及正為他善作給使得鬚泥耶膊相

三十七世尊足跟廣長圓滿与跌相稱勝諸有情

三十八足趺修高猶如龜背柔軟妙好与跟相稱

瑜伽云感足下平滿个輻輪纖長指三相之三十



九如芥之身，前後左右及以頂上，各有八万四千  
毛生，柔潤紺青，右旋宛轉，或次應廣觀，一毛端  
有百千万塵數蓮華，一一蓮華生无量化佛，一一  
化佛現諸偈頌，聲々相次，猶如雨沛。无上依經云，  
修諸勝善法，  
无中下品，恒令增上，得身毛上，靡右旋宛轉，相優  
婆塞戒經云，親近智者，樂聞樂論，聞已樂修樂治，  
道路除失。四十世尊足，下千輻輪，文網敷衆相，无  
不圓滿。瑜伽云，於其父母種々供養，於諸有情，諸  
苦惱事，種々救護，由往來等，動轉業，故得  
此相云，見千輻輪相，  
除却千劫極重惡業。四十一世尊足，下有平滿相，  
妙善安住，猶如匾底地，雖高下隨足，所踏皆悉，相

然无不等觸。大經云，持戒不動，施心不移，安住實  
語，故得此相云々，其足柔軟，諸指纖  
長，鞞網具足，内外握等，  
相及業因，同前手相。四十二樂廣者，應觀足下  
及跟各生一花，圍遶諸光，滿足十匝，花々相次，一  
一花，上有五化佛，一々化佛，五十五菩薩，以爲侍  
者，一々菩薩，頂生摩尼珠光，此相現時，佛諸毛孔  
生八万四千徽網，少光明嚴，筋骨光極，令可愛，此  
光一尋，其相衆多，乃至他方，諸大菩薩，觀此之時，  
此光隨大，比是諸相好，行相利益，廢立等事，諸父  
不同，然今三十二略相多，依大般若廣相隨好，及

法華經疏



諸利益依觀佛經又相好業有其惣別言惣因者  
瑜伽四十九云始從清淨勝意樂地一切所有善  
提資糧无有差別能感一切相及隨好云言別因  
者彼論有三種一者六十二因具如論文二者淨  
戒若諸菩薩毀犯淨戒尚不能得下賤人身何況  
能感大丈夫相三者四種善脩一善修事業二善  
巧方便三饒益有情四无倒迴向上已別因之中亦  
有多差別今者且取因果相順者也前後次第諸  
文亦不同今者隨宜取為次第也相好間雜以為

觀法亦是觀佛經之例也順觀次第大途如是逆  
觀反之從足至頂觀佛三昧經云閉眼得見以心  
想力了々分明如佛在世雖觀是相不得衆多從  
一事起復想一事々々想已復想一事逆順反覆  
經十六反如是心想極令明利然後住心繫念一  
處如是漸々舉舌向腭令舌政住經二七日然後  
身心可得安穩導和尚云十六遍後住心觀白毫  
相不得雜乱二惣相觀者先觀如前衆寶莊嚴廣  
大蓮華次觀阿弥陁佛坐華臺上身色如百千万

注生西女集二

十一



億閻浮檀金，身高六十萬億那由他，恒河沙由旬。眉間白毫，右旋婉轉，如五須弥山。眼如四六海水，清白分明。身諸毛孔，演出光明，如須弥山。圓光如百億大千界。光中有無量恒河沙化佛，一一化佛以無數菩薩為侍者。如是有八萬四千相，一一相各有八萬四千隨好，一一好復有八萬四千光明。一一光明遍照十方世界，念佛衆生攝取不捨。當知一一相中各具七百五俱胝六百萬光明，熾然赫奕，神德巍巍，如金山王在大海中。無量化佛普

薩充滿，光中各各現神通。圍遶彌陀佛，彼佛如是具足無量功德，相好在於菩薩衆會之中。演說正法行者是時，都無餘色相，須弥鐵圍大小諸山悉不現。大海江河土地樹林悉不現。溢目之者，但是弥陁佛，相好周遍世界之者，亦是閻浮檀金光明。譬如劫水，弥滿世界，其中万物沈沒不現。混濛浩汗，唯見大水。彼佛光明亦復如是，高出一切世界。上相好光明，靡不照耀。行者以心眼見於己身，在於彼光明所照之中。

法華要義卷三

以上依觀經雙觀經般舟經大論等意，此現成後隨樂作。



耳次觀或應觀彼佛是三身一躰之身也於彼一身  
所見不同或丈六或八尺或廣大身所現身皆金  
色所利益各无量与一切諸佛其事同一應化又  
一々相好凡聖不得其邊梵天不見其頂目連不  
窮其聲无形第一躰非莊嚴々々十力四无畏三  
念住大悲八万四千三昧門八万四千波羅蜜門  
恒沙塵數法門究竟圓滿与一切諸佛其意同一  
報微妙淨法身具足諸相好一々相好即是實相  
實相法界具足无減不生不滅无去來不一不異

非斷常有爲无爲諸功德依此法身常清淨与一  
切諸佛其躰同一法是故三世十方諸佛三身普  
門塵數无量法門佛衆法海圓融万德凡无盡法  
界備在弥陀一身不縱不横亦非一非異非實非  
虛亦非有无本性清淨心言路絕譬如意珠中  
非有寶非无寶佛身万德亦復如是又非即陰入  
界名爲如來彼諸衆生皆悉有之故非離陰入界  
名爲如來離之則是无因緣法故非即亦非離寂  
靜但有名是故當知所觀衆相即是三身即一之



相好光明也諸佛同躰之相好光明也万德圓融  
之相好光明也色即是空故謂之真如實相空  
是色故謂之相好光明一色一香无非中道受想  
行識亦復如是是有所有三惡道与弥陀佛万德本  
來空寂一躰无尋願我得佛齊聖法王已上依規  
經心地規  
一白毫右旋宛轉如五須弥於中彼有八万四千  
好一々好有八万四千光其光微妙具衆寶色摠  
而言之七百五俱胝六百万光明十方面赫奕如

經金光明經念佛三昧  
經般若經止觀等意

三雜略觀者彼佛眉間有

億千日月其光中現一切佛身无数菩薩衆會圍  
遶彼出微妙音宣暢諸法海又彼一々光明遍照  
十方世界念佛衆生攝取不捨我亦在彼攝取之  
中煩惱障眼雖不能見大悲无倦常照我身或應  
起自心生極樂國於蓮華中結跏趺坐作蓮華合  
想尋蓮華開時瞻仰尊顏觀白毫相時有五百色  
光來照我身即見无量化佛菩薩滿虛空中水鳥  
樹林及与諸佛所出音聲皆演妙法如是思想令  
心欣悅願共諸衆生往生安樂國已上依規經花  
嚴經等意具在

行空要集三

十一



別卷若樂極略者應念彼佛眉間白毫相旋轉猶如  
 頗梨珠光明遍照攝我等願共衆生々彼國若有  
 不堪觀念相好或依歸命想或依引攝想或依往  
 生想應一心稱念已上意樂不同行住坐臥語默  
 作々常以此念在於胸中如飢念食如渴追水或  
 但頭舉手或舉聲稱名外儀雖異心念常存念々  
 相續菩提莫忘問彼佛真身非是凡夫心力所及  
 但應觀像何觀大身答觀經云无量壽佛身量无  
 邊非是凡夫心力所及然彼如來宿願力故有憶

想者必得成就但想佛像得無量福况彼觀佛具  
 足身相已明知初心亦隨樂欲得觀真身問所言  
 弥陀一身即一切佛身者有何證據答天台大師  
 云念阿弥陀佛即是念一切佛故華嚴經云一切  
 諸佛身即是一佛身一心一智慧力无畏亦然已  
 又觀佛三昧經云若思惟一佛即見一切佛云問  
 爲如諸佛躰性无二念者功德亦无别耶答等无  
 差別故文殊般若經下卷云念一佛功德无量无  
 邊亦与无量諸佛功德无二不思議佛法等无分



別皆乘一如成最正覺悉具无量功德辨才如是  
入一行三昧者盡知恒沙諸佛法界无差別相問  
諸相功德肉髻梵音是為最勝今多勸白毫有何  
證據耶答其證甚多略出一兩觀經云觀无量壽  
佛者從一相好入但觀眉間白毫極令明了見眉  
間白毫者八万四千相好自然當見又觀佛經云  
如來有无量相好一々相中八万四千諸小相好  
如是相好不及白毫小分功德是故今日為於來  
世諸惡衆生說白毫相大惠光明消惡觀法若有

邪見極重惡人聞此觀法具足相好生瞋恨心无  
有是處縱使生瞋白毫相光亦彼覆護暫聞是語  
除三劫罪後身生處生諸佛前如是種々百千億  
種諸觀光明微妙境界不可悉說念白毫時自然  
當生又云鹿心觀像尚得如是无量功德况復繫  
念觀佛眉間白毫相光又云釋迦文佛現行者前  
告言汝修觀佛三昧力故我以涅槃相力示汝色  
身令汝諦觀汝今坐禪不得多觀汝後世人多作  
諸惡但觀眉間白毫相光作此觀時所見境界如



上所說已上略抄上所說者見佛種々境界也諸餘利益至下別時行及利益門應知問觀白毫一相亦名三昧耶答余故觀佛經第九云若能繫心觀一毛孔是人名為行念佛定以念佛故十方諸佛常立其前為說正法此人即為能生三世諸如來種何况具足念佛色身問何故不觀淨土莊嚴耶答今為不堪廣行之者唯勸略觀若欲觀者應讀觀經何况前明十種事即是淨土莊嚴也問何故不觀々音勢至耶答略故不述念佛已後應觀二善

薩或稱名号多少隨意

第五明迴向門者五義具足是真迴向一聚集三世一切善根華嚴經意二薩婆若心相應三以此善根共一切衆生四迴向無上菩提五觀能施所施物皆不可得能令諸法實相和合大論意依此等義心念口言所修功德及以三際一切善根一其迴向自他法界一切衆生平等利益二其滅罪生善共生極樂普賢行願速疾圓滿自他同證無上菩提盡未來際利益衆生三其迴施法界四其迴向大菩提五其



問未來善根未有以何迴向答華嚴經說第三迴  
向菩薩行相云以三世善根而无所著無相離相  
慈以迴向刊定記有二釋一未來善根雖未有今  
若發願願薰成種攝持力故未來所修任運注向  
衆生菩提不待更迴向也二依此教中菩薩乃至  
修一念善攝法性故遍於九世故用彼善根迴向  
也問第二何名薩婆若相應心答論云阿耨菩提  
意即是應薩婆若心應者繫心願我當作佛問第  
三第四何故要共一切衆生及以迴向无上菩提

答六波羅蜜經云云何少施功德多耶以方便力  
小分布施迴向發願与一切衆生同證无上正等  
菩提以是功德无量无边猶如小雲漸遍法界乃至  
以二一花一菓施亦  
余大論意亦同之寶積經卅六云菩薩摩訶薩所  
有已生諸妙善根一切迴向无上菩提今此善根  
畢竟无盡譬如小水投于大海乃至劫燒中无有  
盡又大莊嚴論偈云行施不求妙色財亦不願感  
天人趣專求无上勝菩提施微便感无量福比故  
以諸善根盡迴向佛道又大論云譬如慳貪人无



因緣乃至一錢不施貪慳積聚但望增長菩薩亦如是福德若多若少不向餘事但愛惜積集向薩婆若上已問若尔唯應迴向菩提何故更云往生極樂菩提是果報極樂是花報求果之人盡期花耶是故九品業皆云迴向願求生極樂國問發願迴向有何差別答捨期所求名之為願迴所作業趣向於彼謂之迴向問薩婆若与无上菩提二无差別何分爲二答論明迴向分之爲二故今順之更檢論文問次何故觀所有事悉令空耶答論云

著心取相菩薩修福德如草生火易可得滅若躰得實相菩薩以大悲心行衆行難可得破如水中火无能滅者問若尔應唱言空无所得何故今云迴施法界答理實可然然今順於國土風俗故云法界理亦无違所以然者法界即是圓融无作第一義空以所修善迴趣相應彼第一義空名迴施法界問最後何意唱言迴向大菩提耶答此是令与薩婆若相應也此亦順土風置之未後言薩婆若即是菩提如前論文問有相迴向无利益耶答



如上數論雖有勝劣猶有巨益如大論第七云有  
小因大果小緣大報如求佛道讚一偈一稱南无  
佛燒一捻香必得作佛何況聞知諸法實相不生  
不滅不々生不々滅而行因緣業亦不失已此文  
深妙警中明珠則知我等成佛无疑歸命龍樹尊  
證成我心願

大文第五助念方法者一目之羅不能得爲万術  
助觀念成往生大事今以七事略示方法一方處  
供具二修行相見三對治懈怠四止惡修善五懺

悔衆罪六對治魔事七惣結行要

第一方處供具者内外俱淨卜一閑處隨力弁於  
花香供具若有闕少花香等事但專念佛功德威  
神若親對佛像須弁燈明若遙觀西方或須闍室  
感禪師若供花香時須依觀佛三昧經供養文意  
許闍室若供花香時須依觀佛三昧經供養文意  
其所得福无量无边煩惱自減少六度自圓滿其  
不異通途所用故不更提若用念珠時欲求淨土用木樵子欲  
多功德用菩提子乃至或水精蓮子等功德經  
第二修行相見者依攝論等用四修相一者長時



修要決云從初發心乃至菩提恒作淨因終無退  
轉善導禪師云畢命為期誓不中止二者懇重修  
謂於極樂佛法僧寶心常憶念專生尊重要決云  
行住坐臥不背西方涕唾便溺不向西方導禪師  
云面向西方者取勝如樹先傾倒必隨曲必有事  
礙不及向西方者但作向西想亦得三者無間修  
要決云謂常念佛作往生心於一切時心恒想巧  
譬若有入被他抄掠身為下賤備受艱辛忽思父  
母欲走歸本國行裝未弁由在他鄉日夜思惟苦

不堪忍無時暫捨不念耶孃為計既成便歸得達  
親近父母縱任歡娛行者亦尔往因煩惱壞亂善  
心福智珍財并皆散失久沈生死制不自由恒與  
魔王而作僕使馳六道苦切身心今遇善緣忽  
聞弥陀慈父不違弘願濟拔群生日夜驚忙發心  
願往所以精勤不倦當念佛恩報盡為期心恒計  
念導師云心心相續不以餘業間又不以貪瞋等  
間隨犯隨懺不令隔念隔時隔日常令清淨私云  
晝夜六時或三時二時要具方法精勤修習其餘



時處不求威儀不論方法心口无癢常應念佛四  
者无餘修要决云專求極樂礼念弥陀但諸餘業  
行不令雜起所作之業日別須修念佛讀經不留  
餘課耳導師云專稱彼佛名專念專想專礼專讚  
彼佛及一切聖衆等不雜餘業上問其餘事業有  
何過失答寶積經九十二云若有菩薩樂作世業  
營於衆務爲所不應我說是人住於生死又同偈  
云戲論諍論處多起諸煩惱智者應遠離當去百  
由旬云自餘方法具如止觀問若尔在家人難堪

念佛行答世俗人難棄緣務但常繫念西方誠心  
應念彼佛如木摠經琉璃王行又迦才淨土論云  
譬如龍行雲即隨之心若西逝業亦隨之云問既  
知修行惣有四相其修行時用心云何答觀經云  
若有衆生願生彼國者發三種心即便往生一至  
誠心二深心三迴向發願心善導禪師云一至誠  
心謂礼拜讚歎念觀三業必須真實故二深心謂  
信知自身是具足煩惱凡夫善根薄少流轉三界  
未出火宅今信知弥陀本弘誓願及稱名号下至



十聲一聲等定得往生上六乃至一念モナリ无有疑心スガ三迴  
向發願心スガ謂所作一切善根悉皆迴向願往生故  
與此三心スガ必得往生スガ若少一心モ即不得生スガ略抄之  
在上品上生如禪師釋者鼓音聲經云若能深信  
无孤疑者必得往生阿彌陀佛國涅槃經云阿耨  
菩提信心為因是菩提因雖復无量若說信心則  
已攝盡上已明知修道以信為首又善導和尚云若  
入觀及睡時應發此願若坐若立一心合掌正面  
向西十聲稱阿彌陀佛觀音勢至諸菩薩清淨大

海眾竟而發見佛菩薩及極樂界相之願即隨意  
入觀及睡得見除不至心問行者常途討念往生  
其相似何答前所引要决欲歸本國之譬是其相  
也又安樂集云譬如有人於空曠迥處值遇怨賊  
拔劔奮勇直來欲殺此人徑走觀渡一河未及到  
河即作此念我至河岸為脫衣渡為著衣浮若脫  
衣渡唯恐无暇若著衣浮復畏首領難全尔時但  
有一心作渡河方便无餘心想問雜行者亦尔念  
阿彌陀佛時亦如彼人念渡念念相次無餘心想

往生要集

卷三



間雜或念佛法身或念佛神力或念佛智慧或念佛  
佛毫相或念佛相好或念佛本願稱名亦尔但能  
專至相續不斷定生佛前上元曉師同之間念佛  
三昧為唯心念為亦口唱答如止觀第二云或唱  
念俱運或先念後唱或先唱後念唱念相繼无休  
息時聲聲念念唯在阿弥陀又感禪師云觀經言  
是人苦逼不遑念佛善友教令可稱阿弥陀佛如  
是至心令聲不絕豈非苦惱所逼念想難成今聲  
不絕至心便得今此出聲學念佛定亦彼如是令

聲不絕遂得三昧見佛聖眾皎然目前故大集曰  
截分言大念見大佛小念見小佛大念者大聲稱  
佛也小念者小聲稱佛也斯即聖教有何惑哉現  
見即今諸修學者唯須勵聲念佛三昧易成小聲  
稱佛遂多馳散此乃學者所知非外人之曉矣上已  
彼經但云欲多見多欲小見小等云然感師既得  
三昧彼所釋應仰信受更勤諸本小念見小大念  
見大文出日  
藏經第九

第三對治懈怠者行人不能恒時勇進或心蒙昧  
或心退屈尔時應寄種々勝事勸勵自心或以三



途苦果比淨土功德應作是念我已惡道經多劫  
无利勤苦尚能超修行少行得菩提大利不應生  
退屈相一々如前或緣往生淨土衆生應作是念  
十方世界諸有情念念往生安樂國彼既丈夫我  
亦尔不應自輕生退屈往生人如下利或應緣佛  
奇妙功德問何等功德答其事无邊略舉其要  
一應思念四十八本願又无量清淨覺經云阿彌  
陀佛与觀世音大勢至乘大願船汎生死海就此  
娑婆世界呼喚衆生令上大願船送著西方若衆

生肯上大願船者並皆得去此是易往也心地觀  
經偈云衆生没在生死海輪迴五趣无出期善逝  
恒爲妙法船能截愛流起彼岸應念我何時乘悲  
願船去

二名号功德如維摩經言諸佛色身威相種性戒  
定智慧解脫知見力无所畏不共之法大慈大悲  
威儀所行及其壽命說法教化成就衆生淨佛國  
土具諸佛法悉皆同等是故名爲三藐三佛陀名  
爲多陀阿伽度名爲佛陀阿難若我廣說此三句



義汝以劫壽不能盡受正使三千大千世界滿中  
衆生皆如阿難多聞第一得念惣持此諸人等以  
劫之壽亦不能受要決云維摩經云佛初三号佛  
若廣說阿難經劫不能領受成實論釋佛之号前  
之九号皆從別義惣前九号名義功德爲佛世尊  
說初三号歷劫難周阿難領悟莫能具悉更加六  
号以製佛名勝德既圓念其大善也已上花嚴偈  
云若有諸衆生未發菩提心一得聞佛名決定成  
菩提首楞嚴經文應作是念我今既得聞佛尊号  
如下斷簡門

願我當作佛如十方諸佛

三佛相好功德六波羅密經云於諸世間所有三  
世一切衆生學无學人及辟支佛如是有情无量  
无边所有功德比於如來一毛功德百千万分中  
不及其一如是一一毛端皆從如來无量功德之  
所出生一切毛端所有功德共成一髮功德如是  
佛髮八万四千一一髮中各具如上功德如是合  
集共成一隨好功德一切隨好功德共成一相功  
德一切相功德合集至百千倍成眉間毫相功德



其相圓滿宛轉右遶如頗脰迦寶明淨鮮白夜闇  
之中猶如明星毫相舒之上至色界阿迦膩吒天  
卷之如舊復為豪相於眉間住豪相功德至百千  
倍成肉髻相如是肉髻千倍功德不及梵音聲相  
功德又寶積經有無數按量學者可勸又大集念  
佛三昧經第五云如此世界及十方無量無邊諸  
世界中所有衆生假使盡皆一時成佛彼諸世尊  
經無量劫皆還歎佛一毛功德終亦不盡比華嚴  
偈云清淨慈門剎塵數共生如來一妙相一一諸

相莫不然是故見者無厭足應作是念願我當見  
佛無邊功德相

四光明威神謂平等覺經云無量清淨無量清淨佛者是阿

彌陀佛也光明最尊第一無比諸佛光明皆所不及也

有佛頂光明照七尺有佛照一里有佛五里有佛

二十里四十里八十里乃至百万佛國二百五佛

國八方上下無央數諸佛頂光所照皆如是也無

量清淨佛頂中光明炎照千万佛國已上取意私

佛圓光如三百億大千界此經云頂雙觀經云無量  
中光照千万佛國二經意同耳



壽佛威神光明最勝第一諸佛光明所不能及或有佛光照百佛世界或千佛世界取要言之乃照東方恒河沙佛刹南西北方四維上下亦復如是是故無量壽佛号無量光佛無邊光佛無尋光佛無對光佛玄一師云炎王光佛一師云寂勝自在故清淨光佛一云滅三垢故標興師歡喜光佛一云遇者悅意故與云無智惠光佛一云智惠所發故不斷光佛一云恒相續故難思光佛無稱光佛一云不可稱歎盡其所有故自餘名義可知不煩記超日月光佛若在三途勤苦之處見此光明無復

苦惱壽終之後皆蒙解脫非但我今稱其光明一切諸佛亦復如是若有衆生聞其光明威神功德日夜稱說至心不斷隨意所願得生其國我說無量壽佛光明威神巍巍殊妙晝夜一劫尚不能盡已上取意平等覺經別云頂光觀經慈云光明譬喻經第三明釋迦文佛光明相云佛滅百年有阿育王國內民庶歌佛遺典王意不信念言佛有何德過踰於人而共專信誦習其文即問大臣國中頗有見佛者答曰聞波斯匿王妹出家作比丘尼年在西垂云言見佛王



即自出往詣問曰道人見佛不耶答云實余問曰  
有何殊異道人曰佛之功德巍巍難量非我愚賤  
所能陳之粗說一事可知殊特我時八歲世尊來  
入王宮即前禮足頭上金釵墮落在地求之不得  
恠其所以如來過去足跡有千輻輪現光明晃七  
日即滅登時金釵与地同色是以不見光滅後得  
釵乃知為殊特王聞歡喜心煥開悟抄華嚴經偈  
云一一毛孔現光明普遍虛空發大音諸幽冥所  
靡不照地獄衆苦咸令滅應作是念願佛光照我

滅生死業苦

五无能害者寶積經三十七云風劫起時世有大  
風名僧伽多彼風舉此三千世界須弥鐵圍及四  
大洲八万小洲大山大海高百踰繕那乃至無量  
百千踰繕那已碎末為塵又擊壞滅焰摩天宮乃  
至遍淨天所有宮殿亦皆散滅即以此風吹如來  
衣一毛端際尚不能動何況衣角及全衣者已十  
住論云諸佛不可思議假喻可知假使一切十方  
世界衆生皆有勢力設有一魔有尔所勢力復令



十方一一衆生力如惡魔欲共害佛尚不能動佛  
一毛况有害者偈云若諸世間中欲有害佛者是  
事皆不成以成不殺法應作是念願我當得佛金  
剛不壞身

六飛行自在上六千論云佛於虛空墾定下足行住坐  
臥皆得自在若大聲聞神通自在一日過五十三  
億二百九十六萬六千三千大千世界如是聲聞  
百歲所過佛一念過乃至恒河中沙一沙爲一河  
是諸恒河沙大劫所過國土佛一念中過若欲踏

寶蓮華而去即能成弁如是飛行一切无碍觀佛  
經云於虛空舉足行時千輻輪相皆雨八万四千  
蓮華如是衆華有塵數佛亦步虛空已上又蹈空  
行而千輻輪現於地際悅意妙香鉢特摩花自然  
踊出承如來足若畜生趣一切有情爲如來足之  
所觸者極滿七夜受諸快樂命終之後往生善趣  
樂世界中經寶積若以卅里盤石從色究竟天下經  
一万八千三百八十三年到此地直下尚尔推之  
應知聲聞飛行如來飛行展轉不可思議花嚴經



慧林菩薩讚佛偈云自在神通力无量難思議無  
來亦無去說法度衆生應作是念願我得神通遊  
戲諸佛土

七神通无身十住論云佛能末恒河沙等世界令  
如微塵又能還合或又能變无量无边阿僧祇世  
界皆令作金銀等又能變恒河沙等世界大海水  
皆使爲乳蘊等上已淨名經說菩薩不思議解脫云  
斷取三千大千世界如陶家輪著右掌中擲過恒  
河沙世界之外其中衆生不覺不知己之所住又

彼還置本處都不使人有往來想而此世界本相  
如故又於下方過恒河沙等諸佛世界取一佛土  
舉著上方過恒河沙无数世界如持針鋒舉一毫  
髮而无所礙以須弥山納芥子中以四大海入一  
毛孔亦復如是其中衆生不覺不知唯應度者乃  
知見之上已菩薩尚尔何况佛力故度諸佛境界經  
云能令十方世界入一毛孔乃於一微塵能現无  
量无数不可說世界一切衆生亦无迫迫无量无  
數不可說劫威儀果報事能於一念中現一念威



儀果報事於无量無數不可說劫中現如是所住  
心无功用不作思惟華嚴經真實幢菩薩偈云一  
切諸如來神通力自在悉於三世中求之不可得  
應作是念我今亦不知為佛神力轉在何佛土在  
誰毛孔我於何時得覺知之

八隨類化現十住論云佛一念中於十方无量元  
邊恒河沙等世界變化无量佛身一一化佛亦能  
施種種佛事已上四事度諸佛境界經云如來所

現无異功用无異思惟隨衆生性自見不同如十

五日夜闍浮提人各見月現在其上月不作意我  
現其上華嚴偈云如來廣大身究竟於法界不離  
於此座而遍一切處又云智慧甚深功德海普現  
十方无量國隨諸衆生所應見光明遍照轉法輪  
應作是念願我當見遍法界身

九天眼明徹十住論云大力聲聞以天眼見小千  
國土亦見中衆生々時死時小力辟支佛見十小  
千國土見中衆生々時死時中力辟支佛見百小  
千國土見中衆生々時死時大力辟支佛見三千



大千國土見中衆生々死所趣諸佛世尊見无量  
无邊不可思議世間亦見是中衆生々時死時已  
華嚴經偈云佛眼廣大无边際普見十方諸國土  
其中衆生不可量現大神通悉調伏應作是念今  
弥陀如來遙見我身業

十聞聲自在十住論云假令恒河沙等三千大千  
世界衆生一時發言又一時作百千種伎樂若遠  
若近隨意能聞若欲於中間一音聲隨意得聞餘  
者不聞又過无边世界最細聲皆亦得聞若欲令

衆生聞能令得聞抄華嚴文殊偈云一切世間中  
所有諸音聲佛智皆隨抄亦无有分別比應作是  
念今弥陀如來定聞我所有語業

十一知他心智十住論云佛能知无量无边世界  
現在衆生心及諸染淨所緣等又能知无色衆生  
諸心抄華嚴文殊偈云一切衆生心普在於三世  
如來於一念一切悉明達應作是念今弥陀如來  
必知我意業

十二宿住隨念智十住論云佛若欲念自身及一



切衆生无量无边宿命一切事皆悉知无有不知  
過恒河沙等劫事是人何處生姓名貴賤飲食資  
生苦樂所作事業所受果報心何所行本從何來  
如是等事即能知見偈云宿命智无量天眼見无  
邊一切人天中无能知其限應念願佛令我宿業  
清淨

十三智惠无碍寶積經三十七云假使有人取恒  
河沙等世界所有一切草木悉燒爲墨擲置他方  
恒河沙等世界大海於百千歲就以磨之盡爲黑

汁佛從大海中取一墨滴分別了知是其世界  
如是草木其根其莖其枝其條花菓葉等又如有人  
持一毛端露水一滴來至佛所而作是言敢以  
滴水持用相寄後若須者當還賜我尔時如來取  
其滴水置兢伽河中而爲彼河流浪迴渡之所旋  
轉和合引注至于大海是人滿百年已而白佛言  
先寄滴水今請還我尔時佛以一分毛端就大海  
內露本水滴用還是人抄六波羅蜜經云如是四  
洲及諸山王用爲紙素八大海水以爲其墨一切

注生身集卷

四



草木用爲其筆一切人天一劫書寫比舍利弗所得智惠十六分中不及其一又於此三千大千世界其中衆生所有智惠如舍利弗等无有異菩薩了達布施波羅蜜多所有智惠過彼百倍又此三千大千世界所有衆生皆具布施波羅蜜多智惠不及一菩薩所得淨或波羅蜜多智惠乃至般若亦復如是又此三千大千世界所有衆生皆具六波羅蜜智惠不及一初地菩薩智惠乃至十地展轉如是又此十地菩薩智惠比汝慈氏一生補處

菩薩智惠百千分中不及其一此三千大千世界一切衆生所有智惠皆如慈氏等无有異如是菩薩坐於道場降伏魔怨將成正覺所有智惠於佛智惠百千分不及其一寶積經云假使十方无量无边一切世界所有衆生皆悉成就繫屬一生補處菩薩之智惠欲比如來十力之一處非處智百千万分不及其一乃至烏波尼沙阇分不及其一乃至算數譬喻所不能及華嚴經偈言如來甚深智普入於法界能隨三世轉与世爲明道同經普



明智菩薩讚佛偈云一切諸法中法門无有邊成  
就一切智入於深法海上應作是念願今弥陀照  
見我三業願得如世尊惠眼第一淨  
十四能調伏心十住論云諸佛若入定若不入定  
欲繫心一緣中隨意久近如意能住從此緣中更  
住餘緣隨意能住若佛住常心欲令人不知則不  
能知假使一切衆生知他心智如大梵王如大聲  
聞辟支佛成就智慧知他人欲知佛常心若佛  
不聽則不能知應念願令我得佛覺三昧

十五常在安惠同論云諸佛安穩常不動念常在  
心何以故先知而後行生隨意所緣中住无礙行  
故斷一切煩惱故出過動性故如佛告阿難佛於  
此夜得阿耨菩提一切世間若天魔梵沙門婆羅  
門以盡苦道教化周畢入无餘涅槃於其中間佛  
於諸受知起知住知生知滅諸相諸觸諸覺諸念  
亦知起知住知生知滅惡魔七年晝夜不息常隨  
逐佛不得佛短不見佛念不在安惠偈云其念如  
大海湛然在安穩世間无有法而能擾亂者應念



願佛除滅我無動覺觀心

十六悲念衆生大般若經云十方世界无一有情  
如來大悲所不能照寶積經云假使過於恒河沙  
等諸佛世界唯一衆生是佛化限尔時如來躬往  
其所爲說法要令其悟人同經偈云爲利一衆生  
住无邊劫海令其得調伏大悲心如華嚴經文  
殊讚佛偈云一一地獄中經於无量劫爲度衆生  
故而能忍是苦大經偈云一切衆生受異苦悉是  
如來一人苦至衆生不知佛能救故謗如來及法

僧大論云佛以佛眼一日一夜各三時觀一切衆  
生誰可度者无令失時有論云譬如魚子母若不  
念子則爛壞衆生亦尔佛若不念善根即壞莊嚴  
論偈云菩薩念衆生愛之徹骨髓恒時欲利益猶  
如一子故由此等義有懺悔偈云如父母有子始  
生便盲聾慈悲心愍重不捨而養活子不見父母  
父母常見子諸佛視衆生猶如羅睺羅衆生雖不  
見實在諸佛前上已應作是念弥陀如來常照我身  
護念我善根觀察我機緣我若機緣不失時被



引接

十七佛无碍弁說十住論云若三千界所有四天下滿中微塵數三千大千世界衆生皆如舍利弗如辟支佛皆悉成就智慧樂說壽命如上塵數大劫是諸人等因四念處盡其形壽問難如來如來還以四念處義答其所問言義不重樂說无窮又云佛有所說皆有利利益終不空言是亦希有乃至若一切衆生智慧勢力皆如辟支佛是諸衆生若不承佛意欲度一人无有是處若是諸人說時乃至

不能斷无色界結使一豪釐分若佛欲度衆生有所言說乃至外道邪見諸龍夜叉等及餘不解佛語者皆悉令解是等亦能轉化无量衆生乃至是故佛名最上導師偈云問於四問答中起絕无倫匹衆生諸問難一切皆易得若於三時中諸有所說者言必不虛設常有果報比華嚴經偈云諸佛廣大音法界靡不聞菩薩能了知善入音聲海淨名經偈云佛以一音演說法衆生隨類各得解皆謂世尊同其語斯即神力不共法又譬喻經第三



云阿育王意不信佛時海邊有鳥名爲鶉隨其意甚哀和頗有髮髻似佛音聲万分之一王聞其音歡喜即發无上道意宮中姝女凡七千人後發无上道意王從是遂信三尊鳥之音聲所度如是况於至真清淨妙音者乎取意畧抄應念我何時得聞彼弁說

十八觀佛法身如文殊師利菩薩言我觀如來即真如相无動无作无所分別无異分別非即方處非離方處非有非無非常非斷非即三世非離三

世无生无滅无去无來无染无二不二一心言路絕若以此等真如之相觀於如來名真見佛亦名礼敬親近如來實於有情能爲利樂大般若占察經下卷地藏菩薩言一實境界者謂衆生心體從本已來不生不滅自性清淨无軀无身猶如虛空離分別故平等普遍无所不至圓滿十方究竟一相无二无別不變不異无增无減以一切衆生心一切聲聞辟支佛心一切菩薩心一切諸佛心皆同不生不滅无染寂靜真如相故所以者何一切



有心起分別者猶如幻化无有定實至一切世界  
求心形狀无一區分而可得者但以衆生无明癡  
闇勲習因緣妄現境界令生念著所謂此心不能  
自知无妄自謂有起覺知想計我我所而實無有  
覺知之想以此妄心畢竟無躰不可見故乃至廣  
說以信  
解觀念此理爲菩薩最初根本業也此一實境界即是如來法身也  
華嚴經一切慧菩薩偈云法性本空寂无取亦无  
見性空即是佛不可得思量已應念我何時得顯  
本有性

十九惣觀佛德如普賢菩薩云如來功德假使十  
方一切諸佛經不可說不可說佛刹極微塵數劫  
相續演說不可窮盡已又阿彌陀佛威神無極如  
雙觀經云無量壽佛威神无極十方世界无量无  
邊不可思議諸佛如來莫不稱歎龍樹偈云世尊  
諸功德不可得度量如人以尺寸量空不可盡同  
讚彌陀偈云諸佛無量劫讚揚其功德猶尚不能  
盡歸命清淨人應念願我得佛齊正法王  
二十欣求教文般舟經云是三昧難得值正使求



是三昧至百億劫但欲得聞其名聲不能得聞何况得學者轉復行教久偈言

我自識念往世時常隨法師不捨離有佛号曰具至誠彼佛世尊泥洹後我時為王君子種和隣比丘有斯經從夢覺已即往求

其數具足六萬歲初不得聞是三昧時智比丘名和隣比丘常持是三昧夢中逮聞是三昧王當從受此定意輒見比丘持三昧

即除髮鬚作沙門其數具足八萬歲時魔因緣數興起是故比丘比丘是持是經法囑汝等常敬習持是法師假使億千那術劫設令世界加恒沙若有受是一偈說

學八千歲一時間供養奉事此比丘初未曾得一及聞及清信士清信女聞是三昧疾受行具足一劫無得懈求是三昧難得聞滿中珠寶用布施敬誦功德過於彼



雙觀經云設有大火充滿三千大千世界要當過  
此聞是經法歡喜信樂受持讀誦如說修行所以  
者何多有菩薩欲聞此經而不能得若有衆生聞  
此經者於无上道終不退轉是故應當專心信受  
持讀誦如說修行已應作此念或過大千猛火聚  
或經億劫應求法我既值遇深三昧如何退屈不  
勤修行者於此諸事若多若少隨樂憶念若不能  
憶念須披卷對文或次擇或誦誅或戀慕或敬礼  
迹爲勤心之方便遠結見佛之因緣凡三業四儀

勿忘佛境界矣問信受憶念如來如是種種功德  
有何勝利答度諸佛境界經云若於十方世界微  
塵等諸佛及聲聞衆施百味飲食微妙天衣日白  
不癯滿恒沙劫彼佛滅後爲一一佛於十方界二  
一世界起塵數塔衆寶莊嚴種種供養一日三時  
日日不癯滿恒沙劫彼教無數无量衆生設諸供  
養若有一人信此如來智慧功德不可思議境界  
所得功德勝彼無量取又華嚴偈云如來自在力  
無量劫難遇若生一念信速證無上道餘如下利



益門問凡夫行人逐物意移何常得起念佛之心  
答彼若不能直尔念佛應寄事々勸發其心謂遊  
戲談笑時願於極樂界寶池寶林中与天人聖衆  
如是得娛樂若憂苦時願共諸衆生離苦生極樂  
若對尊德當願生極樂如是奉世尊若見卑賤當  
願生極樂刹樂孤獨類凡每見人畜常應作是念  
願共此衆生往生安樂國若飲食時當願受極樂  
自然微妙食衣服臥具行住坐臥違緣願緣一切  
准知寄事作願是華嚴經等例也

往生要集卷中本終



往生要集卷中末

天台嘗楞嚴院沙門源信撰

第四止惡修善者觀佛三昧經云此念佛三昧若  
成就者有五因緣一者持戒不犯二者不起邪見  
三者不生憍慢四者不恚不嫉五者勇猛精進如  
救頭燃行此五事正念諸佛微妙色身令心不退  
亦當讀誦大乘經典以此功德念佛力故速疾得  
見无量諸佛已問此六種法有何義耶答同經云  
以淨戒故見佛像面如真金鏡了了分明又大論



云佛如醫王法如良藥僧如瞻病人或如服藥禁忌已故知設服法藥不持禁戒无由除愈煩惱病患故般舟經云不得破戒大如毛髮戒已上觀佛經云若起邪念及貢高法當知此人是增上慢破滅佛法多使衆生起不善心乱和合僧顯異惑衆生是惡魔伴如是惡人雖復念佛失甘露味此人生處以貢高故身恒卑小生下賤家貧窮諸衰无量惡業以爲嚴飾如此種種衆多惡事當自防護令未不生已上邪見憍慢六波羅蜜經云无量劫中修行諸

善无安忍力及智慧眼一念瞋火燒滅无餘又遺教經云劫功德賊无過瞋恚又或處說云能損大利莫過瞋一念因緣悉焚滅俱胆廣劫所修善是故慇懃常捨離大集月藏分說无瞋功德云常与賢聖相會得著於三昧已上雙觀經云今世恨意微相憎嫉後世轉劇至成大怨云又嫉毀他人其罪甚重如寶積經九十一云佛在施鹿園時有六十菩薩業障深重諸根闇鈍頂礼佛足悲感流淚不能自起時佛告言汝等應起勿復悲啼生大熱



惱汝曾於拘留孫佛法中出家爲道自執著多聞  
持戒頭陀少欲時有二說法比丘多諸親友各聞  
利養汝等以嫉妬心妄言誹謗令彼親友諸衆生  
無隨順心斷諸善根由此惡業於六十百千歲中  
生阿鼻地獄餘業未盡復於四十百千歲中生等  
活地獄復於二十百千歲中生黑繩地獄復於六  
十百千歲中生燒熱地獄從彼沒已還得爲人五  
百世中生盲无自在在所生忘失正念障礙善根  
形容醜缺人不喜見常生邊地貧窮下劣從此沒

已於後末五百歲中法欲滅時還於邊地下劣家  
生遺乏飢凍忘失正念設欲修善多諸留難五百  
歲後惡業乃滅於後得生阿彌陀佛極樂世界是  
時彼佛當爲汝等授阿耨菩提記時諸菩薩聞佛  
所說舉身毛豎深生憂悔便自收淚白言我從今  
日至未來際若於菩薩衆人見有違犯舉露其過  
我等即爲欺誑如來我從今日至未來際若見在  
家出家菩薩衆人以欲樂遊戲歡娛終不伺求其  
過常生信敬起教師想我從今日至未來際若不



善能摧伏其身生下劣想如旃陀羅及於狗犬則  
為欺誑如來若於持戒多聞頭陀少欲知足一切  
功德身自炫耀則為欺誑如來所修善本不自矜  
伐所行罪業慙愧發露若不尔者為欺誑如來時  
佛讚言善哉善哉以則如是決定心一切業障皆  
悉消滅无量善根亦當增長是故大論偈云自  
法愛染故毀訾他人法雖持戒行人不脫地獄苦  
已上同論偈云馬井二比丘懈怠隨惡道雖見佛  
嫉妬聞法猶亦不自勉已又若无精進行難成就故華

嚴經偈云如鑽燧求火未出而數息火勢隨止滅  
懈怠者亦然已上精進讀誦大乘功德无量如金剛般  
若論偈云福不趣菩提二能趣菩提於實名了因  
於餘名生因已上觀佛經六種法畢彼經嫉恚精  
進不具說之故以餘文釋成經意  
般舟經亦有十事如彼經言若有菩薩學誦是三  
昧者有十事一不嫉妬他人利養二悉當愛敬人  
孝順於長老三當念報恩四不忘語離非法五常  
乞食不受請六精進經行七晝夜不得臥出八常  
欲布施終无惜悔九深入惠中无所著十敬事善

上主要經卷四



師如佛抄畧問般舟經亦有四四十六法種十住婆  
沙第九有百四十餘種法念佛三昧經有種種法  
又華嚴經入法界品偈云若有信解離憍慢發心  
即得見如來若有諍誑不淨心億劫尋求莫值遇  
觀佛經云晝夜六時勤行六法端坐正受當樂少  
語除讀誦經廣演法教終不宣說無義之語常念  
諸佛心心相續乃至無有一念之間不見佛時心  
專精故不離佛日又遺日摩尼經說沙門墮牢獄  
有多事或求人欲得供養或多欲積衣鉢或與白

衣厚善或常念愛欲或意交結知友文有多問今  
何不舉彼等法耶若廣出之還令行者生退轉  
心故略舉要若堅持十重四十八輕戒理必助成  
念佛三昧亦應任運持得餘行况具六法或具十  
法何行不攝故略不述然鹿強惑業令人覺了但  
無義語其過顯不恒障正道善應治之或應依大  
論文始人失火四邊俱起云何安處其內語說餘  
事此中佛說若說聲聞辟支佛事猶為無益之言  
何況餘事已行者常於娑婆依正生火宅想絕无



益語想續念佛問往生論說念佛行法云遠離三種善提門相遠法何等三種一者依智惠門不求自樂遠離我心貪著自身故二者依慈悲門拔一切衆生苦遠離无安衆生心故三者依方便門憐愍一切衆生心遠離供養恭敬自身心故是名遠離三種善提門相遠法故菩薩遠離如是三種善提門相遠法得三種隨順善提門法滿足故何等三一者无染清淨心不爲身求諸樂故二者安清淨心拔一切衆生苦故三者樂清淨心以令一切

衆生得大菩提故以攝取衆生彼國土故是名三種隨順善提門法滿足此中何故不依彼論答前四弘中具足此六法文言雖異其義無闕問念佛自滅罪何必堅持戒若一心念誠如所責然盡日念佛閑檢其實淨心是一兩其餘皆濁亂野鹿難繫家狗自馴何況自恣心其惡幾許乎是故要當精進持淨戒猶如護明珠後悔何及善思念之問誠如所言善業是今世所學雖欣動退安心是永劫所習雖厭猶起既尔以何方便治之答



其治非一如次第禪門云一治沈惛闇塞障者應  
觀念應佛卅二相中隨取一或先取眉間豪相閉  
目而觀若心闇鈍懸成不成當對一好嚴形像一  
心取相緣之入定若不明了開眼更觀彼更閉目  
如是取一相明了次第遍觀衆相使心眼開明即  
破惛睡沈闇之心念佛功德則除罪障二治惡念  
思惟障者應念報佛功德正念之中緣佛十力四  
无所畏十八不共一切種智圓照法界常寂不動  
普現色身利益一切功德无量不可思議何以故

此念佛功德從勝緣善法中生心數惡念思惟從  
緣惡法中生心數善能破惡故應念報佛譬如醜  
醜少智之人在端正大智人中即自鄙恥惡亦如  
是在善心中則恥愧自息緣佛功德念念之中滅  
一切障三治境界逼迫障者應念法佛法佛者即  
是法性平等不生不滅无有形色空寂无爲无爲  
之中既无境界何者是逼迫之相知境界空故即  
是對治若念卅二相即非對治何以故是人未緣  
相時已爲境界惱亂而更取相者因此著魔狂亂

法苑珠林卷四



其心今觀空破相除諸境界在心念佛功德无量  
即滅重罪抄畧別相治如是今加三通治一能了惑  
起驚覺其心呵責煩惱如駢惡賊防護三業如敬  
油鉢如六波羅蜜經云結跏趺坐正念觀察以大  
悲心而為屋宅智惠為鼓以覺悟杖而扣繫之告  
諸煩惱汝等當知諸煩惱賊從妄想生我法王家  
有善事起非汝所為汝宜速出若不時出當斷汝  
命如是告已諸煩惱賊尋自散次於自身善起防  
護不應放逸又菩薩處胎經偈云如彼犯罪人敬

持滿鉢油若棄油一滲罪交以大僻左右作伎樂  
懼死不顧視菩薩修淨觀執意如金剛毀譽及惱  
亂心意不傾動解空本來淨无彼此中間二通用  
四句推求一切煩惱根源謂此煩惱為由心生為  
由緣生為共生為離生若由心生者更不待緣或  
於龜毛兔角應生貪瞋若由緣生者應不用心或  
令眠人生於煩惱若共生者未共各无共時安有  
譬如二沙雖合無油或心境俱合那有不生煩惱  
時若離生者既離心離緣那忽生煩惱或虛空離



二常應生煩惱種種觀察既無實生無所從來亦  
無所去非內非外亦非中間都無處所皆如幻有  
非唯惑心觀心亦非如是推求惑心自滅故心地  
觀經偈云如是心法本非有凡夫執迷謂非無若  
能觀心本性空惑障不生便解脫云又中論第一  
偈云諸法不自生亦不從他生不共不無因是故  
知無生應依此偈用多四句三者應念今我惑心  
具足八万四千塵勞門彼弥陀佛具足八万四千  
波羅蜜門本來空寂下躰無尋貪欲即是道悲癡

亦如是如水与水性非異處故經云煩惱菩提躰  
無二生死涅槃非異處云云我今未有智火分故  
不能解煩惱水成功德水願佛哀愍我如其所得  
法定惠力莊嚴以此令解脫如是念已舉聲念佛  
而請救護如止觀云如人引重自力不前假傍救  
助則蒙輕舉行人亦尔心弱不能排障無名請護  
惡緣不能壞上已若惑覆心不令欲脩通別對治須  
知其意常為心師不師於心問若破戒者三昧不  
成云何觀佛經云此觀佛三昧是一切衆生犯罪



者藥破戒者護谷破戒已後為滅前罪一心念佛  
為此名藥若常毀犯三昧難成

第五懺悔眾罪者設為煩惱迷亂其心毀禁戒者  
應不過日營修懺悔如大經十九云若覆罪者罪  
則增長發露懺悔罪即消滅又大論云身口意惡  
不悔欲見佛无有是處上懺法非一隨樂修之或  
五躄投地遍身流汗歸命弥陀佛念眉間白毫發  
露涕泣應作此念過去空主佛眉間白毫相弥陀  
尊禮敬滅罪今得佛我今禮弥陀佛亦當復如是

須隨罪根哀請佛光謂放檀光滅慳弊罪放戒光  
滅毀禁罪放忍辱光滅瞋恚罪放精進光滅懈怠  
罪放禪定光滅散亂罪放智慧光滅愚惑罪如是  
若一日若至七日除百千劫煩惱重障或須更間  
坐禪入定念佛白毫令心了了无謬亂想分明正  
住注意不息除却九十六億那由他等劫生死之  
罪或一心念彼佛神咒一遍能滅四重五逆七遍  
能滅根本之罪軌儀或復心地觀經明理懺悔云  
一切諸罪性皆如顛倒因緣妄心起如是罪相本



來空三世之中无所得非内非外非中間性相如  
如俱不動真如妙理絕名言唯有聖智能通達非  
有非无非有无非不有无離名相周遍法界无生  
滅諸佛本來同一躰唯願諸佛垂加護能滅一切  
顛倒心願我早悟真性源速證如來无上道問真  
觀念佛既能滅罪何故更修理懺悔耶答誰言一  
一修之但隨意樂何況觀衆罪性空无所有即是  
真實念佛三昧如華嚴偈云現在非和合未來亦  
復然一切法无相是即佛真躰佛藏經念佛品云

見无所有名爲念佛見諸法實相名爲念佛无有  
分別无取无捨是真念佛上已諸餘空无相等觀准  
之皆應攝入念佛三昧問如是懺悔有何勝德答  
心地觀經偈云在家能招煩惱因出家亦破清淨  
戒若能如法懺悔者所有煩惱悉皆除至乃懺悔能  
出三界欲懺悔能開菩提花懺悔能見佛大圓鏡  
懺悔能至於寶所問此中何者爲最勝耶答若約  
一人順機爲勝若汎汎汎汎判理懺爲勝故如來秘密  
藏經下卷佛告迦葉言若少不善若其堅住堅執



堅者一切我説名之爲犯迦葉五元間罪若不堅  
住堅執堅著生於見者我不説彼名曰爲犯况復  
餘少不善業道迦葉我不以不善法而得菩提亦  
不以善法而得菩提乃解知煩惱從因縁生名得  
菩提迦葉云何爲解知從因縁所生煩惱解知是  
无自性起法是无生法如是解知名得菩提又决  
定毗尼經云於大乘中發起修行日初分時有所  
犯戒於日中分不離一切智心如菩薩或身不  
壞若日中分有所犯戒於日後分不離一切智心

如是菩薩或身不壞至若夜後分有所犯戒於日  
初分不離一切智心如菩薩或身不壞以是義  
故菩薩乘人持開遮戒設有所犯不應失念妄生  
憂悔自惱其心於聲聞乘有所犯者便爲破壞聲  
聞淨戒云一切智心者准餘處説是第一義空相  
應心或可是願求佛種智心也問若修懺悔能滅  
衆罪云何大論卅六云戒律中戒雖復細微懺悔  
即清淨犯十善戒雖復懺悔三惡道罪不除又十  
輪經説造十惡輪罪一切諸佛之所不救答觀經



十念能滅五逆觀佛經念佛一相能滅十惡五逆  
大經闍王懺除殺父之罪般若經讀誦解說能滅  
殺害三界衆生之罪不墮惡趣華嚴經誦普賢願  
一念能滅十惡五逆明知大乘實說无不滅罪然  
此論文或是轉重輕受非全不受名之不除或是  
隨轉理門之說又感禪師會十輪經云如來密意  
欲令畏罪等云々餘如下料簡念佛相門此等皆  
是別時懺悔然行者常當修三事如大論云菩薩  
必須晝夜六時修懺悔隨喜勸請三事抄五念門

中禮拜之次應修此事十住婆娑懺悔偈云十方  
無量佛所知无不盡我今悉於前發露諸黑惡三  
三合九種從三煩惱起今身若前身是罪盡懺悔  
於三惡道中若應受業報願於今身償不入惡道  
受三三三合九種者身口意各有現生後自作教使  
見作隨喜也業從三煩惱起者三苛三毒三品  
惱勸請偈云十方一切佛現在成佛者我請轉法  
輪安樂諸衆生十方一切佛若欲捨壽命我今頭  
面禮勸請令及住隨喜偈云所有布施福持戒修  
禪行從身口意生去來今所有習行三乘人具定



三乘者一切凡夫福皆隨而歡喜也又常行三昧法華三昧真言教等皆各有支隨意用之若樂略者可依弥勒菩薩本願經一偈經云佛語阿難弥勒菩薩本求道時不持耳鼻頭目手足身命珍寶城邑妻子及以國土布施与人以成佛道但以善根安樂之行得致无上正真之道阿難白佛弥勒菩薩以何善根得致佛道佛語阿難弥勒菩薩晝夜各三正衣束體叉手右膝著地向於十方說偈言我悔一切過勸明衆道德歸命札諸佛令得无

上慧佛語阿難弥勒菩薩以是善根得於无上正真之道也問脩此懺悔勸請等事得幾處福答十住論偈云若於一時中福德有形者恒河沙世界乃自不容受

第六對治魔事者問種々魔事能障正道或令發病患或令失觀念或令得邪法所謂若有見若无見若明了若昏闇若邪定若攀緣若悲若喜若苦若樂若禍若福若惡若善若憎人若戀著若心強若心軟如是等事若過若不及皆是魔事悉障正



道何以對治之。答治道雖多，今但應依念佛一治。此中亦有事理二事。念者言行相應，一心念佛時，諸惡魔不能沮壞。問何故不壞。答佛護念故。法威力故不能沮壞。如大般若對治魔事出番々二法。其中云一如所言，皆悉能作二為諸佛常為護念。又般舟經云若闍又鬼神壞又禪奪入念設欲中是菩薩者終不能中云々餘如下利益門二理念者如止觀第八云知魔界如佛界如一如无二如平等一相不以魔為戚以佛為欣安之實際。至乃魔

界即佛界而衆生不知迷於佛界橫起魔界於菩提中而生煩惱是故起悲欲令衆生於魔界即佛界於煩惱即菩提是故起慈悲。已應作是念魔界佛界及自他界同空无相此諸法无相是即佛真身。當知魔界即是佛身亦即我身理无二故而諸衆生妄想夢味覺不解一實相生是非想輪迴五道願令衆生入平等慧如是深起无緣大悲乃至雖觀佛妙色身入三空門不應執著如熱金丸雖見色妙不可手觸况於餘事生著生慢作是觀時



魔不沮壞故大般若經亦說其治云一觀諸法皆  
畢竟空二不棄捨一切有情又大論云十二入皆  
是魔網虛狂不實於此中生六種識亦是魔網虛  
狂何者是實唯不二法无眼無色乃至无意无法  
等是名實令衆生離十二入故常以種々因縁說  
是不二法比問何故觀空魔不得便答彼論云一  
切法中皆不著々々故无違錯々々々故魔不能  
得其便譬如人身无瘡雖臥毒屑中毒亦不入若  
有小瘡則死又大集經月藏分中他化天魔王發

菩提心受記發願云我等護念現在未來諸佛弟  
子与第一義相應住者供給供養若不順我教惱  
乱行者即令彼類得種々病退失神通取明知實  
魔不得便推魔護念耳前二種治皆有證據故不  
更引諸師所釋

第七惣結要行者問上諸門中所陳既多未知何  
業爲往生要答大菩提心護三業深信至誠常念  
佛隨願決定生極樂况復具餘諸妙行問何故此  
等爲往生要答菩提心義如前具釋三業重惡能



障正道故須護之往生之業念佛為本其念佛心  
必須如理故具深信至誠常念三事常念有三益  
如迦才云一者諸惡覺觀畢竟不生亦得消於業  
障二者善根增長亦得種於見佛因緣三者薰習  
熟利臨命終時正念現前上業由願轉故云隨願  
往生惣而言之護三業是止善稱念佛是行善善  
提心及願扶助此二善故此等法為往生要其旨  
出經論不能具之

大文第六別時念佛者有二初明尋常別行次明  
臨終行儀第一尋常別行者於日々行法不能常  
勇進故應有時脩別時行或一二三日乃至七日  
或十日乃至九十日隨樂修之所言一日乃至七  
日者導和尚云般舟三昧經佛告跋陀和持是行  
法便得三昧現在諸佛悉在前立其有比丘々々  
居優婆塞優婆夷如法持戒完具獨一處正念西  
方阿彌陀佛今現在彼隨所聞當念去此十萬億  
佛刹其國名須摩提一心念之一日一夜若七日  
七夜過七日已後見之譬如夢中所見不知晝夜



亦不知内外不由在冥中有所障礙故不見跋陀  
和四衆常作是念時諸佛境界中諸大山須弥山  
其有幽冥之處悉爲門闕无所蔽礙是四衆不持  
天眼徹視不持天耳徹聽不持神足到其佛刹不  
於此間終生彼間便於此坐見之佛言四衆於此  
間國土念阿彌陀佛專念故得見之即問持何法  
得生此國阿彌陀佛報言欲來生者常念我名莫  
得休息即得來生佛言專念故得往生當念佛身  
三十二相八十種好巨億光明徹照端正无比在

菩薩僧中說法莫壞色何以故不壞色故由念佛  
色身故得是三昧已上明念佛三昧法此文在彼  
經行品中若覺不見佛於夢中  
見之欲入三昧道場時一依佛教方法先須料理道  
場安置尊像香湯掃灑若无佛堂有淨房亦得掃  
灑如法取一佛像西壁安置行者等從月一日至  
八日或從八日至十五日或從十五日至廿三日  
或從廿三至三十日月別四時佳行者等自量家  
業輕重於此時中入淨行道若一日乃至七日盡  
須淨衣鞋屐亦須新淨七日之中皆須一食長齋



粟餅麤飯隨時醬菜儉素節量於道場中晝夜束  
心相續專念阿彌陀佛心與聲相續唯坐唯立七  
日之內不得睡眠亦不須依時札佛誦經數珠亦  
不須捉但知合掌念佛念々作見佛想佛言想念  
阿彌陀佛真金色身光明徹照端正无比在心眼  
前正念佛時若立即立念一万二万若坐即坐念  
一万二万於道場內不得交頤竊語晝夜或三時  
六時表百諸佛一切賢聖天曹地府一切業道發  
露懺悔一生已來身口意業所造衆罪事々依實

懺悔竟還依法念佛所見境界不得輒說善者自  
知惡者懺悔酒肉五辛極發願手不捉口不喫若  
違此語即願身口俱著惡瘡願誦阿彌陀經滿十  
万遍日別念佛一万遍誦經日別十五遍或誦二  
十遍三十遍任力多少誓生淨土願佛攝受又白  
諸行者但欲今生日夜相續專念阿彌陀佛專誦彌  
陀經稱揚札讚淨土聖衆莊嚴願生者除入三昧  
道場日別念阿彌陀佛一万畢命相續者即蒙阿彌  
加命得除罪障又蒙佛與聖衆常來護念既蒙護

注生海集四



念即得延年轉長命安樂因緣一々具如壁喻經  
惟无三昧經淨度三昧經等說又觀佛經云若諸  
比丘々々若男人犯四根本罪十惡等罪五  
逆罪及謗大乘如是諸人若能懺悔日夜六時身  
心不息五躄投地如大山崩涕泣兩淚合掌向佛  
念佛眉間白毫相光一日至七日前四種罪可得  
輕微觀白毫毛闇不見者應入塔中觀像眉間白  
毫一日至三日合掌啼泣已上觀念門略抄大般若五百  
六十八明七日行云若善男子善女人等心无疑

惑於七日中澡浴清淨著新淨衣花香供養一心  
正念如前所說如來功德及大威神余時如來慈  
悲護念現身令見便願滿足若有闕少花香等事  
但一心念功德威神將命終時必得見佛已上言前  
所說功德等者如來大慈大悲說法无礙靜慮一  
念能現无边類身天眼天耳他心智无失念无漏  
離垢得一切法自在平等々功德威神也大集賢  
護經亦有七日行如次利益中說又迦才淨土論  
云縛禪師檢得經文但能念佛一心不乱得百万



遍已去者定得往生又緋禪師依小阿彌陀經七日念佛檢得百五遍也是故大集經藥師經小阿彌陀經皆勸七日念佛者此意明矣已上所言七日行者出鼓音聲經平等覺經至次利益門當知所言九十日行者止觀第二云常行三昧者先明方法次明勸修方法者身開遮口說嘿意止觀此法出般舟三昧經翻爲佛立々々三義一佛威力二三昧力三行者本功德力能於定中見十方現在佛在其前立如明眼人清夜觀星見十方佛亦

如是多故名佛立三昧十住田比婆沙偈云是三昧住處少中多差別如是種々相亦應須論議住處者或於初禪二三四中間發是勢力能生三昧故名住處初禪少二禪中三四多或少時住名少或見世界少或見佛少故名少中多亦如是身開常行々此法時避惡知識及癡人親屬鄉里常獨處止不得希望他人有所求索常乞食不受別請嚴飾道場備諸供具香餚甘菓盥沐其身左右出入改換衣服唯專行旋九十日爲一期須明師善內



外律能開除妨鄣於所聞三昧處如視世尊不嫌  
不恚不見短長常割肌肉供養師况復餘耶承事  
師如僕奉大家若於師生思求是三昧終難得須  
外護如母養子須同行如共涉嶮須要期措願使  
我筋骨枯朽學是三昧不得終不休息起大信无  
能壞者起大精進无能及者所入智无能逮者常  
与善師從事終竟三月不得念世間想欲如彈指  
頃三月終竟不得臥出如彈指頃終竟三月行不  
得休息除坐食左右為人說經不得望衣食婆娑

偈云親近善知識精進无懈怠智慧甚堅牢信力  
无妄動口說嘿者九十日身常行无休息九十日  
口常唱阿弥陀佛名无休息九十日心常念阿弥  
陀佛无休息或唱念俱運或先念後唱或先唱後  
念唱念相繼无休息時若唱弥陀即是唱十方佛  
功德等但專以弥陀為法門主舉要言之步々聲  
聲念々唯在阿弥陀佛意論止觀者念西方阿弥  
陀佛去此十万億佛刹在寶地寶池寶樹寶堂衆  
菩薩中央坐說經三月常念佛云何念々三十二

法苑珠林卷四

持世



相從足下千輻輪相一々逆緣念諸相乃至无見  
頂亦應從頂相順緣乃至千輻輪令我亦逮是相  
又念我當從心得佛從身得佛々不用心得不用  
心身得不用心得佛色不用色得佛心何以故心  
者佛无心色者佛无色故不用色心得三菩提佛  
色已盡乃至識已盡佛所說盡者是癡人不知智  
者曉々不用身口得佛不用智慧得佛何以故智  
慧索不可得自索我々不可得亦无所見一切法  
本无所壞本絕本一如夢見七寶親屬歡樂覺

已追念不知在何處如是念佛又如舍衛有女名  
須門聞之心喜夜夢從事覺已念之彼不來我不  
往而樂事宛然當如是念佛如人行大澤飢渴夢  
得美食覺已腹空自念一切所有法皆如夢當如  
是念佛數々念莫得休息用是念當生阿弥陀佛  
國是名如想念如人以寶倚琉璃上影現其中亦  
如比丘觀骨々起種々光此无持來者亦无有是  
骨是意作耳如鏡中像不外來不中生以鏡淨故  
自見其形行人色清淨所有者清淨欲見佛即見



佛見即問々即報聞經大歡喜其自念佛從何所  
來我亦无所至我所念即見心作佛心自見心見  
佛心是佛心是我心見佛心不自知心々不自見  
心々有想爲癡心无相是涅洹是法无可示者皆  
念所爲設有念亦了无所念空耳其偈云心者  
不知心有心不見心々起想即癡无想即涅洹諸  
佛從心得解脫心者无垢名清淨五道鮮潔不受  
色有解此者成大道是名佛印无所貪无所著无  
所求无所想所有盡所欲盡无所從生无所可滅

无所壞敗道要道本是印二乘不能壞何況魔耶  
云婆娑明新發意菩薩先念佛色相々體相業相  
果相用得下勢力次念佛四十不共法心得中勢  
力次念實相佛得上勢力而不著色法二身偈云  
不貪著色身法身亦不著善知一切法求寂如虛  
空勸脩者若又欲得智慧如大海令无能爲我作  
師者於此坐不運神通悉見諸佛悉聞所說悉能  
受持者常行三昧於諸功德最爲第一此三昧是  
諸佛母佛眼佛父无生大悲母一切諸如來從是

注生要集四

佛



二法生碎大千地及草木為塵一塵為一佛刹滿  
尔世界中寶用布施其福甚多不如聞此三昧不  
驚不畏况信受持讀誦為人說况定心修習如搆  
牛乳項况能成是三昧故无量無邊娑婆云劫火  
官賊怨毒龍獸眾病侵是人者无有是處此人常  
為天龍八部諸佛皆共護念稱讚皆共欲見共來  
其所若聞此三昧如上四番功德皆隨喜三世諸  
佛菩薩皆隨喜彼勝上四番功德若不修如是法  
失无量重寶人天為之憂悲如鼯鼻人把栴檀而

不嗅如田家子以摩尼珠博一頭牛云四番功德

又有四番果報一不驚二信受三定心修四能成熟

第二臨終行儀者先明行事次明勸念初行事者  
四分律抄瞻病送終篇引中國本傳云祇洹西北  
角日光沒處為无常院若有病者安置在中以凡  
生貪深見本房内衣盂眾具多生戀著无心厭背  
故制令至別處堂号无常來者極多還反一二即  
事而求專心念法其堂中置一立像金薄塗之面  
向西方其像右手舉左手中繫一五絲幡脚垂曳



池當安病者在像之後左手執幡脚作從佛往佛  
淨剎之意瞻病者燒香散花莊嚴病者乃至若有  
屎尿吐唾隨有除之或說佛像向東病者在前  
若無別處但念病者面向西燒香散花種種之勸進或可令見端嚴佛像導和尚云行者等若病不病欲命終時一依上念佛三昧法正當身心迴面向西心亦專注觀想阿彌陀佛心口相應聲々莫絕決定作往生想花臺聖衆來迎接想病人若見前境則向着病人說既聞說已即依說錄記又病人若不能語看病必須數々問病人

見何境界若說罪相傍人即為念佛助同懺悔必令罪滅若得罪滅華臺聖衆應念現前准前抄記又行者等眷屬六親若來看病勿令有食酒肉五辛人若有必不得向病人邊即失正念鬼神交亂病人狂死墮三惡道願行者等好自謹慎奉持佛教同作見佛因緣上作往生想迎接想其理可然如大論說神變作意云取地相多故履水如地取水相多故入地如水取火相多故身出烟火等云明如於所未事取彼相時能助其事而得成就非



唯臨終尋常准之縛和尚云十念相續似若不難  
然諸凡夫心如野馬識麴接猴馳騁六塵何曾停  
息各須宜致信心豫自尅念使積習成性善根堅  
固也如佛告大王人積善行死无惡念如樹先傾  
倒必隨曲也若刀風一至百苦湊身若習先不在  
懷念何可弁各宜同志三五頌結言要臨命終時  
迭相開曉爲稱弥陀名号願生極樂聲々相次使  
成十念已所言十念雖有多釋然一心十遍稱念  
南无阿弥陀佛謂之十念此義順經文餘如下料

簡次臨終勸念者善友同行有其志者爲順佛教  
爲利衆生爲善根爲結緣從染患初來問病床幸  
垂勸進矣但勸誘之趣應在人意今且爲自身結  
其詞云

佛子年來之間止此界悌望唯修西方業就中本  
所期是臨終十念今既臥病床不可不恐須閉目  
合掌一心誓期自非佛相好勿見餘色自非佛法  
音勿聞餘聲自非佛正教勿說餘事自非往生事  
外及餘事如是乃至命終之後坐寶蓮臺上從弥



陀佛後聖衆圍遶過十萬億國土之間亦復如是  
勿緣餘境界唯至極樂世界七寶池中始應舉目  
合掌見弥陀尊容聞甚深法音聞諸佛功德香華  
法喜禪悅味頂禮海會聖衆悟入普賢行願今有  
十事應當一心聽一心念每一念念莫生疑心  
一先應發大衆實智知生死由來如大圓覺經偈  
云一切諸衆生无始幻无明皆從諸如來圓覺心  
建立當知生死即涅槃煩惱即菩提圓融无身无  
二无別而由一念妄心入生死界来无明病所盲

久忘本覺道但諸法從本來常自寂滅相如幻无  
定性隨心而轉變是故佛子應念三寶翻邪歸正  
然佛是醫王法是良藥僧是瞻病人除无明病開  
正見眼示本覺道引接淨土无如佛法僧是故佛  
子先應生大醫王想一心念佛南无三世十方一  
切諸佛南无本師釋迦牟尼佛南无藥師琉璃光  
佛三念南无阿彌陀佛十念次應生妙良藥想二  
心念法南无三世佛母摩訶般若波羅蜜南无平  
等大慧妙法蓮華經南无八万十二一切正法次



應隨逐護念想一心念僧南无觀世音菩薩南  
无大勢至菩薩南无普賢菩薩南无文殊師利菩  
薩南无弥勒菩薩南无地藏菩薩南无龍樹菩薩  
南无三世十方一切聖眾南无極樂界會一切三  
寶南无三世十方一切三寶三念已上或隨宜同  
音助念或令聞鐘聲  
增正念下  
去卷之  
二法性雖平等亦不離假有如弥陀佛言通達諸  
法性一切空无我專求淨佛土必成如是刹故為  
往生淨土先應厭離此界今此娑婆世界是惡業

所感眾苦本源也生老病死輪轉无際三界獄縛  
无一可樂若於此時不厭離之當於何生離輪迴  
耶然阿弥陀佛有不思議威力若一心稱名念々  
之中滅八十億劫生死重罪是故今當一心念彼  
佛離此苦界應作是念願阿弥陀佛決定拔濟我  
南无阿弥陀佛見其十念以上信心勢盡應勸  
次事或加稱二菩薩下去准之  
三應欲求淨土西方極樂是大乘善根界无苦无  
惱處一託蓮胎亦離生死眼瞻弥陀之聖容耳聞  
微妙之尊教一切快樂无不具足若人臨終時十



念引陀佛決定往生彼安樂國佛子今適得入身  
亦值佛教猶一眼龜值浮木孔若於此時不得往  
生還墮三途八難之中聞法尚難何況往生故應  
一心稱念彼佛應作是念願佛今日決定引接於  
我往生極樂南无阿弥陀佛

四凡欲往生彼國者須求其業如彼佛本願云設  
我得佛十方衆生聞我名号係念我國殖諸德本  
至心迴向欲生我國不果遂者不取正覺佛子一  
生之間偏修西方業所修業雖多所期唯極樂今

須重聚集三際一切善根盡迴向極樂應作是念  
願由我所有一切善根力今日決定往生極樂南无

阿弥陀佛

五又本願云設我得佛十方衆生發菩提心脩諸  
功德至心發願欲生我國臨壽終時假令不與大  
衆圍遶現其人前者不取正覺佛子久已發菩提  
心及諸善根迴向極樂今須重發菩提心念彼佛  
應作此念願我爲利益一切衆生今日決定往生  
極樂南无阿弥陀佛



六、既知佛子本來具往生業今須專念弥陀如來  
令業增盛然彼佛功德无量無邊不可具說今現  
在十方各恒河沙等諸佛恒常稱讚彼佛功德如  
是稱讚設經恒沙劫終不可窮盡佛子惣應一心  
歸命彼佛功德應念我今一念之中盡以歸命弥  
陀如來一切功德南无阿弥陀佛

七、佛子應念阿弥陀佛一色相一心住一境謂彼  
佛色身如閻浮檀金威德巍巍如金山玉无量相  
好莊嚴其身其中眉間白毫右旋婉轉如須弥七

百五俱胆六百萬光明熾然赫奕如億千日月定  
即无漏万德之所成就大定智悲之所流出也須  
臾之間憶此相者能滅九十六億那由他恒河沙  
微塵數劫生死重罪是故今當憶念彼相決定滅  
除罪業應作此念願白毫相光滅我諸罪南无阿  
弥陀佛  
八、彼白毫相若于光明常照十方世界念佛衆生  
攝取不捨當知大悲光明決定來照如華嚴偈云  
又放光明名見佛彼光覺悟命終者念佛三昧必  
見佛命終之後生佛前故今應作是念願弥陀佛



放清淨光遙照我心覺悟我心轉境界自躰當生  
三種愛令得念佛三昧成就往生極樂南无阿  
彌陀佛  
九彌陀如來非唯以光遙照自與觀音勢至常來  
擁護行者何況父母於病子其心偏重動法性山  
入生死海當知是時佛放大光明與諸聖眾俱來  
引接擁護感障相隔雖不能見大悲願不可疑決  
定來入此室故佛子應作是念願佛放大光明決  
定來迎往生極樂南无阿  
彌陀佛 若病者氣力漸々羸  
劣時應云佛與觀音勢至无量聖眾俱來擊寶蓮

基引攝佛子以上第七八九條事常應  
勸誘其餘條事時々用之

十正臨終時應云佛子知否唯今即是最後心也  
臨終一念勝百年業若過此剎那生處應一定今  
正是其時當一心念佛決定往生西方極樂微妙  
淨土八功德池中七寶蓮臺上應作是念如來本  
誓一毫無謬願佛決定引攝我南无阿彌陀佛  
或勸々取略應念願佛必引攝南无阿彌陀佛  
如是瞻病者氣色隨順其所應但以一事為最後  
一念不得衆多其詞進止可殊用意勿令病者生



攀緣矣問如觀佛三昧經說佛告阿難若有衆生  
殺父害母罵辱六親作是罪者命終之時銅狗張  
口化十八車狀如金車寶蓋在上一切火焰化爲  
玉女罪人遙見心生歡喜我欲往中風力解時寒  
急失聲寧得好火在車上坐然火自爆作是念已  
即便命終揮擢之間已坐金車顧瞻玉女皆提鐵  
斧折截其身又言復有衆生犯四重禁虛食信施  
誹謗邪見不識因果斷學般若毀十方佛偷僧祇  
物媯佚无道逼略淨戒諸比丘尼姊妹親戚不知

慚愧毀辱所親造衆惡事此人罪報臨命終時風  
刀解身偃坐不定如被杖禁其心荒越發癡狂想  
見已室宅男女大小一切皆是不淨之物屎尿臭  
虛盈流于外余時罪人即作是語云何此處无好  
城廓及好山林便吾遊戲乃處如此不淨物間作  
是語已獄卒羅刹以大鐵叉擊阿鼻地獄及諸刀  
山化作寶樹及清涼池火焰化作金荼蓮華諸鐵  
嘴虫化爲鳧雁地獄痛聲如詠歌音罪人聞已如  
此好處吾當遊中念已即時坐大蓮華云寧知今



日蓮華來迎非是火華谷感和尚釋云以四義故  
知非火車一以行二以相三以語四以佛此四義  
異火花一以行者視佛三昧經說罪人造罪犯四  
重禁乃至毀辱所親不生悔過不遇善友教令念  
佛故所見花是地獄相今此下品等三人雖彼生  
來造罪終時遇善知識至心念佛以念佛故滅多  
劫罪成勝功德感得寶池中花來迎豈同前花也  
二相者彼經說風力解身偃臥不定如被楚撻其  
心荒越發狂癡想見已室宅男女大小一切皆是

不淨之物屎尿臭處盈流于外今此念佛身心安  
穩惡想都滅唯見聖衆聞有異香故不類也三語  
者彼經中說地獄痛聲如詠歌音罪人聞已如此  
好處吾當遊中觀經中言讚善男子汝稱佛名故  
諸罪消滅我來迎汝彼是詠歌之音此陳滅罪之  
語二音既別故不同也四佛者彼經一切火焰化  
爲玉女罪人造見心生歡喜我欲往中坐金車已  
顧瞻玉女皆捉鐵斧折截其身觀經言余時彼佛  
即遣化佛化觀世音化大勢至々行者前以此四



義ヲ准シ知ル蓮華來迎ノ不同ノ觀佛三昧經ニ說ク上ニ看病之  
人能ク了ス此相ノ數問病者所有諸事依前行儀種々  
教化ス

往生要集卷中未終





